

BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Javna ustanova „Djeca Sarajeva“
SARAJEVO

Broj: 07-01-750/20

Datum: 03.11.2020.god

Na osnovu člana 69. stav (1) tačka b. I stav (2) tačka d), te člana 70. stav (1), (2), (4) i (6) Zakona o javnim nabavkama Bosne i Hercegovine (Službeni glasnik BiH, broj 39/14), i Rješenja ureda za razmatranje žalbi filijala Mostar br:JN2-03-07-1-2515-9/20 od 29.10.2020. godine, direktor Javne ustanove „Djeca Sarajeva“ donosi

ODLUKU
O PONIŠTENJU POSTUPKA JAVNE NABAVKE
RADOVI NA UGRADNJI STOLARIJE U
JU „DJECA SARAJEVA“

I

Poništava se tenderska dokumentacija za postupak javne nabavke radova: **Radovi na ugradnji stolarije u vrtićima** u JU „Djeca Sarajeva“ Sarajevo u 2020.godini (**77.777,77 bez pdv-a**), a nakon što je proveden otvoreni postupak za dostavu ponuda javne nabavke, za koji je Obavještenje o javnoj nabavci br. 702-1-3-107-3-55/20, objavljeno na Portalu javnih nabavki. Nakon što ova odluka bude konačna, objavit će se obavještenje o poništenju u skladu sa odredbama Zakona o javnim nabavkama BiH i podzakonskim aktima.

II

Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke br. 07-01-610/20 od 26.08.2020.godine.

Obavijest o javnoj nabavci broj: 702-7-2-21-3-10/20 objavljena je na Portalu javnih nabavki dana 26.08.2020.god.

Komisija za javnu nabavku imenovana je Odlukom br: 07-01-612/20 od 26.08.2020.godine.

Na objavljenu tendersku dokumentaciju uložena je žalba žalitelja Gradprom doo Srbac koja je zaprimljena kod ugovornog organa dana 17.09.2020. godine.

Žalba žalitelja je blagovremena, izjavljena u roku od 10 dana od dana preuzimanja tenderske dokumentacije.

Žalitelj ulaže žalbu zbog pogrešne primjene materijalnog prava.

Navodi Žalbe su sljedeći:

- 1) Obavezna primjena preferencijalnog tretmana domaćeg:

U td je navedeno:

*„Ugovorni organ će u skladu sa članom 67. Zakona i Odlukom o obaveznoj primjeni preferencijalnog tretmana domaćeg koju je donijelo Vijeće ministara BiH („Službeni glasnik BiH“ br:103/14), primjenjivati cjenovni preferencijalni tretman u svrhu poređenja ponuda, odnosno umanjiti cijene domaćih ponuda za preferencijalni faktor od 5 %.
Ponuđači su u cilju ostvarivanja prava na preferencijalni tretman domaćeg dužni isto potvrditi tačkom 4. Izjave iz Priloga 1 TD, odnosno na taj način izjaviti da su najmanje 50% radne snage za izvršenje ugovora rezidenti Bosne i Hercegovine.“*

Žalitelj navodi Odluku o obaveznoj primjeni preferencijalnog tretmana od 29.05.2020. godine po kojoj bi se trebao obračunavati preferencijalni faktor u iznosu od 30%.

Rješenjem ureda za razmatranje Žalbi Mostar, konstatovano je da je navod žalitelja je osnovan. Vijeće ministara je na prijedlog Agencije za javne nabavke BiH, na svojoj 23. vanrednoj sjednici održanoj dana 29.05.2020. god donijelo Odluku o obaveznoj primjeni preferencijalnog tretmana domaćeg, a koja je objavljena u “Službenom glasniku BiH” broj 34/20. U tenderskoj dokumentaciji nije izvršena izmjena u pogledu nove Odluke preferencijalnog tretmana domaćeg a koja glasi:

U svrhu poređenja ponuda umanjit će se cijena domaćih ponuda za preferencijalni faktor domaćeg od 30% u postupcima javnih nabavki kod kojih je obavještenje o nabavci ili upućen poziv kandidatima/ponuđačima za postupke koji nemaju obavještenje o nabavci u periodu od 01.06.2020. do 01.06.2021. godine.

Rješenjem Ureda za razmatranje žalbi Mostar br: JN2-03-07-1-2515-9/20 od 29.10.2020. godine, stav 2. usvaja se žalba i poništava tenderska dokumentacija u postupku nabavke Radovi na ugradnji stolarije u JU Djeca Sarajeva kao i Obavještenje o nabavci br:702-1-3-107-3-55/20 od 26.08.2020. godine.

U skladu sa navedenim činjeničnim stanjem donesena je odluka kao u dispozitivu.

POUKA O PRAVNOM LIJEKU. Protiv ove Odluke može se izjaviti žalba, najkasnije u roku od 10(deset) dana od dana prijema iste.

[Redacted signature] ka



Dostaviti

- web stranica JU Djeca Sarajeva
- Komisija za javne nabavke
- a/a